

康熙  
平順縣志

四冊  
十卷

地 1601 49  
321  
1-4

巖窟



熙康  
平順縣志

嚴宦景鈔

景於平順縣志記

余積香老以於丁丑之後全香方老之中最稀  
見者當推平順因平順在清初原極燭立  
故康熙時尚有老而乾隆初合併於潞城故  
乾隆時大修香老而平順缺焉先時時以為  
鄉祀故曾元甫撫晉時由修野老而平順又  
不與焉其康熙末德因年歲久遠兼以縣  
治久廢世人注意保存致流傳極少此平圖  
前雖存有一部丁丑南移以致缺佚者友  
范氏美序一丁一都說并市大攤喜以見不  
因命座子轉武於心歸景於以資研讀  
凡此閱月而後事曰溪河平中識之

平順縣志

卷

三二二 堯山梁上堵識於廠座



重修平順縣志序



邑之有志猶國之有史也國不可一日無史邑不可一日無志志也者所以彰往詔來備觀省而垂修救也平之為邑自明嘉靖甲午始距今方百六十年視他邑之歷年久遠者固有間矣志之修始于萬曆乙巳距建邑之初歷七十二年續修于

今上龍飛之壬戌距創修之初更歷七十八年夫以新建之邑志之不可一日無者乃遲之七十

平順縣志

卷一

一

二年而創始復遲之七十八年而續修其間傳者未必真言者未必詳求其彰往詔來信而有徵也蓋憂憂乎難之所賴前之官斯邑者創始為趙公續修為劉公皆究心吏治徵文考獻俾邑之故實不至與荒烟蔓草同其淹沒者二公之力也余以戊辰夏奉

命尹茲土入其邑見其城墉彈丸居民不滿數家其土地皆石田硠确無溝塍阡陌其人民類穴居巖壑間且其山厚無泉石多土少官民皆蓄

池水以供爨否則取汲于數十里之外日用蔬  
菹之細非市于郡城不能有邑而若此其荒僻  
也亦已甚矣居數日即延訪紳士耆老詢其疾  
苦復求邑志而披閱之以周知一邑之掌故不  
禁愀然感復殷然念也邑雖僻壤亦有民人社  
稷其疆域之廣袤建置之因革戶口之多寡賦  
役之重輕官師政事之得失人物風俗之淳澆  
節義文章之炳蔚何一為邑之所無何一非志  
之所當詳乎由壬戌迄今又十有二載矣其宜

平順縣志

卷頭序

二

紀載者不少而余自蒞任以來蒿目倣心兢兢  
焉求所以拯凋而起敝者亦日異而月不同苟  
不有以志之焉覩所謂傳者能真而言者能詳  
乎蓋事莫重于國賦民命而治莫先于人心風  
俗平居萬山之中割黎潞壺三縣之邊徼而為  
邑土瘠民貧惟正之供尚借樵蘇卒歲之計俯  
仰惟艱歲戊辰邑饑己巳大饑閏庚午春流亡  
載道溝壑慘目余思無食則無民無民則無賦  
無賦何以為邑急請

上憲發永豐倉穀三千石並本縣常平倉穀六百石按籍貸給窮黎以是稍安其業而田賦亦不至大有逋負邑庠序雖設誦讀絕少不惟科目寥寥而生員增廣之例俱不滿額余力請學憲足其成數復廣立義學以教民間子弟而士風稍稍興起深山窮谷罕聞聲教余奉聖諭十六條朔月講讀復刊刻捷解成帙家諭戶曉禮讓之風亦蒸蒸日上漸異于喬野之舊矣凡此者非敢謂藉此以告無罪亦惟仰體

平順縣志

卷 頭序

三

聖天子蠲租阜民敷教化民之意而勉盡職分于萬一云爾乃紳若士有增修邑志之請余亦嘉茲盛舉因得從諸君子之後而觀厥成是役也舊者仍之新者續之缺者補之略者詳之要必以信而有徵使後之觀省者知所修救焉耳昔先王之衆建侯邦也大國不過百里附庸不足五十以故微盧彭濮皆屬茅土之班曹魏邨鄘咸預陳詩之數異日者

皇華輶軒之使觀風問俗平雖最爾亦得以志

之所紀竊比于附庸之義而備陳詩之末余且  
藉諸君子之相與有成者而拜手以獻矣是為

序

時

康熙三十二年歲次癸酉孟夏之吉

勅授文林郎山西潞安府知平順縣事庚午科同考

試官杜之昂坦如氏謹序



平順縣誌序

環平皆山也而縣治為青羊山地其分土建官創名平順者則始於故明嘉靖之年成於貴溪夏言之議也夫城如彈丸不敵一村落而疆界之內散漫難制大約地曠而人稀山多而水少然士質而謹耕讀相資民朴而愚不解末作猶有古處之遺焉其未縣之前凡人與事分記於壺關黎潞之書故嘉靖之前可以無誌及既縣之後則大建置沿革之經營度地分畝之區畫與夫差徭貢賦之定

平順縣志

卷序二

一

額昔之人殫精以圖之後之人悠忽而忘之寧非宰此一方者之責乎余以丁巳年承乏來牧茲土至之日滿目荒涼民多鳩鵠之形室有懸磬之嘆心竊傷焉乃下車未幾思得縣誌而披覽之於以採風問俗考前代之盛衰鑒政事之得失俾胸有成竹事可因時而卒不可得即僅有藏者俱因兵燹之變幸留灰燼之餘而殘蠹脫畧亦非全書然從前大槩猶可考也山左趙令其有心斯世者乎但舊誌所載自嘉靖甲午以至萬曆乙巳相沿僅

八十餘年耳故其事簡而略而文章著述欲選擇則無可紀而紀之求多則未免於鄙俚之失也自乙巳至於今日以年數考之又將八十年矣其間運際變革時值鼎新冠兵頻仍災祲屢見及

國朝應運百度維貞政治有損益之殊氣數有循環之異而崇山峻嶺之中又豈無高風逸韻忠孝節烈足以揚古今而光典冊者徒任其如浮雲朝露湮沒無聞也亦何以彰教化而勵末俗乎余每於錢穀刑名之暇相與紳衿數輩商欲採緝而剞劂

平順縣志

卷序二

二

之而惴惴不遑思年代寔遠變亂屢加懼夫文獻之無徵也傳聞之失實也且邇來年歲雖登粟賤全死蠢茲平民素無蓄積之資唯賴硤确之獲而輸納維艱衣食不給即山邑一官催餉唯恐後期撫綏自慙無術又何能置吏治而修文事哉今尸素六載諸廢漸興閭閻鮮失所之民比屋有可風之俗而紳衿諸君子念切維桑出其藏藁復以前說為請乃相與進鄉耆士庶而共謀之咸懽忻鼓舞人有同心而梨棗之資工力之費皆慨然取懷

而與未常以強人也管子云倉廩實而知禮節衣食足而知榮辱豈不信哉至於纂緝之功諸君子斟酌損益刪其煩蕪補其缺略不大無苦心焉是集也舊者因之繼者續之信者詳之疑者闕之雖不敢自托於明備美善之無遺而一邑之內前後一百五十年之間不僅人物之臧否世道之污隆而天時地利民情物理皆可披圖而悉覽焉而後之宰此方者於以考風問俗稽古鑒今亦不至茫然而無稽也至於踵事增華備物備志則又以俟

平順縣志

卷序二

三

後之君子考訂而潤色之是為序時

康熙壬戌仲冬之吉

潞安府平順縣知縣南州劉徵書

平順縣志舊序

平順潞邑也創自嘉靖之初年先是叙述有志久而散失趙侯慨焉覽山川之自勝也民物之漸蕃政教之漸興也貢賦漸裕而弦誦漸盛也獨文獻不足後將何觀乃求邑之裨謔親駕而謀於野閭俗觀風探奇吊古考沿革於未縣之先稽創述於既縣之後采輯既詳勸懲亦備庶幾有縣有志殘缺之典舉自今日而後之考衷政教者亦有所據矣志成來問序邑蓋先大夫操縵地也弦聲如在

敢弗恭命夫志備古今乃是志也多載時事即有往事亦多得之於傳聞似詳似略似信似疑似文似質也蓋邑昔隸於三今合為一分合之間參考已難况彼三邑者猶之乎祀宋也而今新邑者又疑信相沿也即載筆之士宜搜遐想豈能越身世而遊鴻濛廢耳目而另創一聞見自勒一家亦已難矣予以為邑雖新也山川則舊盤紆曲折甲於他方使士無孕秀而生養晦而處離潛而出成功而歸者則已有則不托於此何托哉今志收采雖

悉寧無遺珠緣舊為新尚存裨官野史之味垂創  
可矣繼述猶待焉嗣是者宜操鉛槧編歷諸編因  
地以求蹟因蹟以求事因事以求人間之遺黎采  
之斷碣而復証之於往籍惟其真不惟其多也傳  
其信不傳其疑也使事核文雅總歸綱常風化之  
中由是以傳海內將謂邑有善志斯無負趙侯修  
舉意矣故今創始予竊歸功於邑之裨謔而尤以  
討論修飾潤色之功望於邑之東里輩焉趙侯名  
完璧號連城山東肥城人治邑多善政茲特其一

事

時

萬曆乙巳歲端陽日

賜進士出身中憲大夫歷知歸德常州蘇州三府事  
前戶部郎中奉

勅山東河南監兌贊理東征餉務加食三品俸今予  
告上黨周一格序

平順縣志後舊序

夫志曷為哉昭實錄也稽古周官以圖書掌記降  
及列國記事表年皆史也今之志是已可或缺哉  
我

朝列聖相承纂修大備典籍所著視古加詳故疆域  
所有按籍可攷如列眉指掌然以一統志與郡縣  
相表裏采輯備故紀載詳也曩爾平順雖蹂躪夷  
悖亂之後輻輳而成及考其實居然一邑埒也自  
建邑以來志已有著緣為掌籍者所遺致有殘缺

平順縣志

卷後序

者夫次者久不足以備觀風者之采余甲辰夏奉  
命承乏茲土復緣按部者索觀即構遺書檢閱為更  
修計猶有略而不詳誕而不經質而不文者固不  
敢以不修而廢墜相沿尤不敢徒修而簡訛相襲  
也乃訪諸先達有申公者以文學政事擅名於時  
其子姓亦多賢於邑之故實必能識其大小因造  
其廬而禮聘焉公亦慨然身任其事據古傳采群  
議揆精摭思據事屬詞越月而成帙卷分為六目  
列四十有五以縣境附之輿圖而模擬工以邑名

沿革星野疆里城池景蹟山川形勝鄉村市鎮風俗土產屬之封域而區畫周以縣治行署學校官職壇壝寺觀塔墓橋梁舖舍關隘布之建置而紀錄備以田土稅糧戶口差徭統之賦役而綜核明以科貢武秩雜職賢良孝義貞烈隱逸仙釋稟之人物而品隲詳以制誥碑銘詩誌行歌括之藝文而識述備膾分臚列井然有條向之殘缺者補失次者序簡略者詳不經者正不文者馴雅舉斯邑幾墜之典燦然復明一邑之文獻備矣而豈徒哉

將俾後之人撫輿圖則思慎守歷封域則思經理覩建置則思修復考賦役則思優卹稽人物則思景行徵藝文則思誦法觀風望治恒在斯也厥係詎不重哉厥係重故厥工當竟茲志已就緒不可無言以著簡端聞郡有周公者學富才雄班馬史筆也因徵其言為是籍光至鉅梓以永其傳搗詞以附於末者余事也亦余責也乃媿不能搦管屬文惟錄其實以贅

萬曆丙午歲夏四月念日知縣事古齊趙完璧甫譟

平順縣志凡例

一縣志自遭兵燹後越八十年並無考証乃地方之缺典今搜殘篇斷簡謬加纂修若夫潤澤校訂以俟後之君子

一鄉紳誥命乃

朝廷恩典以獎賢良矧平地乏材間有特出者故選刊之以為史冊光非徒曰充棟而已也

一忠孝節義乃立身之大本平雖彈丸代亦有人故詳載事實者亦礪世磨鈍之意也

平順縣志

卷之一

一

一賦役地丁雖刊有全書然告荒告蠲議裁議增不可例拘實係一縣利害大關不可不載入使後世共見聞也

一景致古蹟丘墓恐其世遠湮沒故將碑銘詩歌並記之

一藝文多存其舊而未敢刪削者以已鐫之石而昔人之手澤在焉間或未工亦備錄之如贈言壽序唱和閒韻悉不採入

平順縣志目錄

卷之一

輿圖志

縣境圖 舊城圖 新城圖 縣治圖

學宮圖

卷之二

封域志

邑名 沿革 星野 疆域 城池 形勝

古蹟 山川 鄉村 市鎮 風俗 土產

平順縣志

卷之一 目錄

二

卷之三

建置志

縣治 行署 學宮 壇壝 寺觀 塔墓

郵舖 橋梁 關隘

卷之四

官師志

職官 師儒 名宦

卷之五

賦役志

田土 稅糧 戶口 丁徭 鹽法 器械

卷之六

選舉志

進士 舉人 貢士 例監 雜職 武紳

卷之七

人物志

鄉賢 孝義 俠烈 隱逸 貞烈 僂釋

卷之八

祥災志

平順縣志

卷之一

三

祥瑞 災荒 兵燹 紀異

卷之九

藝文志

記 序

卷之十

藝文志

誥勅 贊銘 祭文 題咏 墓誌